

張天眼明

景福淹沈人事少龍門閑澹虎溪清時聞結果加咤語似聽鉤

轉格磔聲

山間一種紅雞作結果加咤聲入山樵採者戲語以雪安也下去轉之鉤轉格磔鷓鴣鳥聲也

述懷

四首

我道欲求神自放龍門時復虎相千山頭烈火三冬熾澗底陰

風五月寒

清虛妙理橫天下大樸淳風滿世間至道有名那見實通人無

語自知還

入道根源唯自許出塵消息有誰知南華始遇逍遙樂北海終

投汗漫期

道藏輯要

潘溪集

三

又胃集三
川日一上二

野鶴孤雲閑活計清風明月道生涯千山磊落收雲氣四海光

明耀日華

隴州楊氏攜月桂栽見訪 四首

汨沒塵埃甚可憐追隨俗態幾經年偶因上上遊山水得遇高

真伴聖賢

一枝孤秀倚寒山四海羣芳懷靦顏若遇清風佳氣會天香飄

落滿人寰

遊初稟氣得真詮續艷聯芳似火傳世上百花難逮月人間唯

此可窮年

樹密山高隱地蟠風多露少怯天寒他時復向蟾宮裏五嶽雲

收四海觀

放鴈

放去欲齊支遁鶴籠歸宜儗右軍鵝雖符莊子能鳴義恐學茅君著愛魔

隴州堂下清夢軒

清夢軒中清士居清閑高卧養真如真如養就清無夢無夢清歡樂有餘

答隴州蕭防判書召因事別隴山過亭川屈石灰寺盤桓數日趙趙未決公書忽至欣然乃還

俄聞寵命發汧涯便欲安閑卧隴西黃鶴不思千里舉白雲猶

道藏輯要

礪溪集

雷

又胃集三

戀故山棲

自亭川回路次望龍門山

南望龍門一豁開東遷鶴馭再頭迴深知此域因緣重未許他方道德該

答曹王妃休休道者書召

山潛洞壑非高尚自揣襟懷實蔽蒙無益虛名相混雜不教閑坐養盲聾

答京兆統軍夾谷龍虎書召

休休道者方歸去赫赫王侯又到來自愧中心無道術空教外跡播塵埃